

BASES CONCURSOS DE DISFRACES DO ENTROIDO DE RIBEIRA 2024

O Concello de Ribeira, con motivo da celebración do Entroido 2024, organiza dous concursos de disfraces, un na modalidade infantil e outro na modalidade de adultos. As condicións e requisitos para a participación son as seguintes:

1) CONCURSO MODALIDADE INFANTIL

1.1.- PARTICIPANTES

Poderán participar nenas e nenos ata **18 anos incluídos**. Os participantes non poderán obter máis dun premio do concurso.

1.2.- CONCURSO

1.2.1.- Mecánica do concurso

Poderá concursar calquera nena ou neno ata os 18 anos incluídos que participe no desfile que se organizará o domingo 11 de febreiro no marco da festa infantil de Entroido.

Todos os participantes no concurso deberán desfilan na pasarela que se organizará en dita festa infantil e enviar unha fotografía do participante disfrazado (sacada no momento do desfile na pasarela) ao enderezo electrónico comercio@ribeira.gal. Neste correo electrónico deberanse indicar os seguintes datos persoais: nome e apelidos do participante, teléfono de contacto e achegar copia do DNI do pai/nai/titor do participante. Esta imaxe será a empregada para a deliberación do Xurado, cedendo o dereito da imaxe ao Concello de Ribeira.

1.2.2.- Prazos para enviar as fotografías

Os prazos para remitir os datos solicitados así como a fotografía dos participantes desfilando é o seguinte: **dende o domingo 11 de febreiro no momento de realizarse o desfile ata o domingo 18 de febreiro ás 22:00 h.**

1.3.- PREMIOS

Outorgaranse catro premios valorados en 150 euros cada un, distribuídos en bonos para mercar no comercio local.

O Concello de Ribeira, a través da concellería de cultura, poñerase en contacto cos gañadores para facer efectiva a entrega dos diplomas e premios nun acto público. No suposto de que algún premio non fosen recollidos na Concellería de Cultura antes do prazo dun mes dende a comunicación dos agraciados, perderán a súa validez e non serán entregados ás persoas interesadas. As persoas gañadoras terán que canxear os bonos nos establecementos sinalados como máximo ata o 1 de abril de 2024 (inclusive).



FIRMANTE - FECHA



2) CONCURSO MODALIDADE ADULTOS

2. 1.- PARTICIPANTES

Poderán participar no concurso na modalidade de adultos todas as **persoas maiores de 18 anos**. Non obstante o anterior, non poderán participar nin donos e empregados dos locais participantes, así como persoal da área de cultura do Concello de Ribeira.

Os participantes só poderán inscribirse nunha categoría e non poderán obter máis dun premio.

2.2. - PARTICIPACIÓN DOS LOCAIS - INSCRICIÓN

Os locais hostaleiros que queiran participar deberán inscribirse no enderezo electrónico comercio@ribeira.gal ou no telf. 686 58 70 00 a partir da data de publicación dos concursos no Boletín oficial da Provincia (BOP) e como data límite ata o domingo 4 de febreiro de 2024 ás 23:59 h.

Aos locais participantes entregaráselle tarxetas coa ruta dos distintos locais hostaleiros que deberán entregar aos clientes que desexen concursar. Esta tarxeta deberanlla selar aos concursantes en cada establecemento participante en que o soliciten.

2.3.- CONCURSO

2.3.1.- Mecánica do concurso

Poderá formar parte do concurso toda persoa ou grupo de persoas maiores de idade que acudan disfrazados aos locais hostaleiros, adscritos a este certame, **na noite do luns 12 de febreiro en horario de 12:00 h a 04:30 h**.

Nestes establecementos poderán pedir unha tarxeta na que aparecerán todos os locais participantes, debendo ter selo ou firma de ao menos tres deles para que sexa válida.

Todos os participantes no concurso deberán enviar a imaxe da tarxeta selada e a fotografía do disface (sacada nun dos locais hostaleiros adscritos) ao enderezo electrónico comercio@ribeira.gal cos seguintes datos persoais: nome, apelidos, teléfono de contacto e DNI dunha das persoas (representante) que aparecen na mesma e indicar a que categoría ou modalidade do concurso se presenta (individual, parella ou grupo). Esta imaxe será empregada para a deliberación do Xurado, cedendo o dereito de dita imaxe ao Concello de Ribeira. Ademais, para que a participación sexa válida, deberán publicar esta mesma fotografía no seu Facebook, etiquetando ao perfil de Cultura e Festexos de Ribeira e incluíndo o hastag #entroidoribeira24. Non serán válidas aquelas participacións que non cumpran con todos e cada un destes requisitos. A Organización resérvase o dereito a excluír do concurso a aqueles participantes que non reúnan os requisitos de validación que considere necesarios.



FIRMANTE - FECHA



2.3.2.-Duración

O concurso desenvolverase nos locais de hostalería do municipio de Ribeira adscritos a este certame no prazo sinalado, durante a noite do luns 12 de febreiro de 2024 dando comezo ás 12:00 horas e remate ás 4:30h.

2.3.3. - Prazos para enviar as fotografías

Os prazos para remitir os datos por correo electrónico, así como a imaxe da tarxeta selada, a fotografía dos participantes e a publicación no Facebook é a seguinte: **dende o luns 12 de febreiro a partir das 12:00 h (hora de comezo do concurso) ata o domingo 18 de febreiro ás 22:00 h.**

2. 4.- PREMIOS

O concurso nesta categoría de adultos outorga premios distribuídos en tres categorías e tres premios para cada unha delas.

Categorías:

Existen tres categorías con tres premios cada unha delas: **mellor disfraz individual, mellor parella/trío** (esta categoría poderá estar formada por dúas ou tres persoas) e **mellor grupo**, (composto por un mínimo de catro persoas).

Os premios serán outorgados aos mellores disfraces ou conxunto dos mesmos establecéndose, as seguintes modalidades premiadas:

- INDIVIDUAL

1º PREMIO: 150 €

2º PREMIO: 75 €

3º PREMIO: 50 €

- PARELLA/TRÍO (mínimo dúas persoas, máximo tres)

1º PREMIO : 250 €

2º PREMIO: 150 €

3º PREMIO: 100 €

- GRUPO (mínimo de catro persoas)

1º PREMIO: 500€

2º PREMIO: 300€

3º PREMIO: 200 €



FIRMANTE - FECHA



A todos os premios seralles de aplicación a redución do IRPF correspondente. O Concello de Ribeira poñerá en contacto cos gañadores para facer efectiva a entrega dos diplomas nun acto público así como das gratificacións das categorías premiadas que serán a través de transferencia bancaria podendo solicitarlle a documentación necesaria para tal fin.

3) XURADO DOS CONCURSOS

O Xurado de ambos concursos estará composto por persoal do **Concello de Ribeira e da Asociación de Empresarios e Hostalaría de Ribeira** que emitirán o seu veredicto ao longo do mes de febreiro do presente ano podendo facer a entrega ata o mes de marzo.

O xurado terá a potestade de decidir sendo inapelable o seu xuízo, así como declarar deserto algún dos premios sempre e cando considere que a calidade dos disfraces non acade o mínimo esixido segundo o seu criterio.

4) TRATAMENTO DOS DATOS, IMAXE E DEREITOS DE AUTOR

Os participantes do concurso, ao facilitar os seus datos e as imaxes, ceden automaticamente os dereitos de divulgación e reprodución por Internet ou por calquera outro medio audiovisual, das fotografías que se tomen durante o desenvolvemento do mesmo e das que presenten ao concurso.

Esta cesión realízase no contexto do presente concurso e afecta tamén aos datos persoais segundo o disposto na lexislación vixente na materia. Así mesmo, os participantes consenten automaticamente ao participar a utilización de devanditas imaxes nas que poidan aparecer, para os fins descritos no parágrafo anterior.

5) ACEPTACIÓN DAS BASES

A aceptación destas bases é condición indispensable para a participación no concurso e para poder optar aos premios (o feito de concursar supón a aceptación das bases). O incumprimento por calquera participante das condicións establecidas nas bases suporá a súa anulación automática non podendo optar aos premios.

En Ribeira, á data da sinatura dixital.

Antía Alberte Maneiro
Concelleira de Cultura



FIRMANTE - FECHA

